

CXIV.

14 Augustus 1566.

*Lettre missive du Prince d'Orenge à Son Altèze, en date
le 14 d'Aougst 1566.*

MADAME,

Vostre Altèze aura veu, par les ordonnances qui se mectroient en ceste ville, quy lui ay envoyé le douziesme de ce mois, qu'il y a défense aux bourgeois de port d'armes, laquelle défense tenons pour certain seroit observée par les inhabitans, mesmes ceulx qui yroient aux presches, jusques ad ce que, hier, le Drossart de Brabant aiant faict mener par ceste ville quelques chariotz chargez d'armes, iceulx inhabitans sont entrez en quelque suspition que l'on les vouloit emploier contre eulx, aians partant faict arrester l'un des dicts chariotz, et estoient près à venir en inconvéniement, ne fût que l'on les eusse empesché à mon possible, craindant qu'à ceste occasion ilz ne voudront demain aller aux presches sans armes, dont, sans ceste adventure, estois assurez qu'ilz y fussient allé sans. De ce qu'en adviendra en advertiray Vostre Altèze. J'avois bien délibéré me trouver, le XVIII^e de ce mois, vers icelle, en Bruxelles, suyvant que luy a pleu le me mander, mais comme, au mesme jour, la ducasse (1) se tient en ceste ville, lorsqu'à l'occasion susdicte, et qu'il y entreront beaucoup d'estrangiers, pourroit survenir quelque trouble, sans présence de quelque personnage, à l'instance de ceulx de la ville, m'a semblé pour le mieulx y demourer le dict jour, et supplier Vostre Altèze me pardonner que je viègne seulement lendemain, XIX^e du mois, lors que ne faudroy estre près Vostre Altèze, s'il plaist à Dieu, à qui je prie, après avoir baisé très-humblement les mains de Vostre Altèze, la conserver en santé, longue vie.

D'Anvers, le XIII^e jour d'Aougst 1566.

Collationnée à l'auctenticque copie, est
trouvée accorder par moy,

A. GRAPHEUS. (2)

(1) *Dedicace, kermis*, nota van M. Gachard.

(2) Aangehaald blz. 129. Zie GACHARD, *Op. cit.* T. II, p. 184.